

Studiranje na Univerzitetu u Tuzli je odlična opcija

Poštovani maturanti,

U narednim danima vi trebate donijeti svoje prve važne životne odluke, odluke koje donesete sada tiču se vaše budućnosti i trebate biti sigurni u njihovu ispravnost, hoćete li studirati ili ćete potražiti zaposlenje, ako ćete studirati na kojem ćete univerzitetu provesti iduće godine, koji fakultet ćete upisati... Sve te i brojne druge dileme su pred vama. Mi vam želimo pomoći u donošenju vaših životnih odluka, svakome od vas savjetujemo da upiše i završi univerzitet, na taj način će stvoriti bolju perspektivu za sebe. Upoznajte Univerzitet u Tuzli, ali i druge univerzitete i nakon toga donesite vašu odluku, uvjeren sam da će se većina vas opredijeliti za Univerzitet u Tuzli.

Studiranje na Univerzitetu u Tuzli je odlična opcija za vas. Pred vama je naša brošura u kojoj smo predstavili Univerzitet u Tuzli. Upoznajte se s mogućnostima koje pružamo, mi vam pružamo šansu, na vama je da je prihvatite, upoznajte se s našim studijskim programima, raspitajte se o uvjetima za upis, o kvalifikacijskim ispitima, hrabro zakoračite u akademsku zajednicu, mi vas očekujemo.

Srdačno vaš,

Prof. dr. Džemo Tufekčić, rektor Univerziteta u Tuzli



O UNIVERZITETU U TUZLI

Univerzitet u Tuzli (osnovan 1976. godine) ima 13 fakulteta i 44 studijska odsjeka. Na Univerzitetu trenutno studira više od 20 hiljada studenata, do sada je diplomu Univerziteta u Tuzli steklo približno 30 hiljada diplomaca, više od 1.500 magistara nauka i više od 350 doktora nauka. Na Univerzitetu u Tuzli godišnje diplomira približno 1.500 diplomaca. Godišnji budžet Univerziteta u Tuzli je oko 30 miliona KM, od čega su 60% javna sredstva Tuzlanskog kantona, a približno 40% Univerzitet ostvari od školarina i naučno-istraživačkog rada. Na Univerzitetu je zaposleno približno 800 zaposlenika, od čega je njih 450 u naučno-nastavnim zvanjima (više od 300 je doktora nauka u zvanjima nastavnika). Univerzitet u nastavi godišnje angažira i približno 200 spoljnih saradnika.

Tehnički fakulteti na Univerzitetu u Tuzli imaju dugu tradiciju, dobro su tehnički i kadrovski opremljeni, a nude moderne i suvremene programe. Rudarstvo i tehnologija su jedini ovakvi studiji u Federaciji, a imaju najdužu tradiciju u cijeloj Bosni i Hercegovini. **Medicinski**

fakultet Univerziteta u Tuzli u saradnji s Univerzitet-skim kliničkim centrom je jedan od najboljih edukativnih ustanova ove vrste u regionu. Na Univerzitetu u Tuzli je i jedini **Edukacijsko-rehabilitacijski fakultet** u Bosni i Hercegovini. Interes za studiranjem već je tradicionalno izražen na društvenim i humanističkim fakultetima, te na Medicinskom i Farmaceutskom fakultetu. No, posljednjih godina je izrazito porastao i interes za tehničkim fakultetima, tako da će se na Univerzitet u Tuzli vjerovatno upisati predviđeni broj studenata. Upisna politika kreirana je na bazi kapaciteta Univerziteta (i to pomnom analizom prostornih i kadrovskih kapaciteta), te na bazi podataka o tržištu radne snage iz Zavoda za zapošljavanje. Univerzitet je posvećen reformama visokog obrazovanja i prvi je krenuo u implementaciju bolonjskog procesa. **Vanredni studiji** su na Univerzitetu u Tuzli reducirani još 2002. godine, tako da se organiziraju na svega tri studijska odsjeka i ove godine će se primiti svega 160 studenata u tu kategoriju.

Dužina trajanja studija u prvom ciklusu (dodiplomski studij) na većini studijskih odsjeka na Univerzitetu u Tuzli je 4 godine. Postdiplomski studij (drugi ciklus) traje jednu godinu. Izuzetak su 4 studijska odsjeka koji traju 3 godine u prvom ciklusu: razredna nastava i tehnički odgoj na Filozofskom fakultetu, visoka polsovna škola na Ekonomskom fakultetu i visoka trenerska škola na Fakultetu za tjelesni odgoj i sport.

Uvjet za upis na Univerzitet u Tuzli je završeno srednje četverogodišnje obrazovanje. Kandidati polažu kvalifikacijski ispit iz predmeta koji su povezani s predmetom studija. **Rang lista** se formira na osnovu uspjeha u srednjoj školi (60% bodova) i uspjeha na kvalifikacijskom ispitu (40% bodova). Uvjet prijema je da student postigne najmanje 50% bodova na kvalifikacijskom ispitu. Studenti s vrha rang liste primaju se u kategoriji redovnih studenata koji plaćaju participaciju, oni koji se ne uspiju plasirati u tu grupu primaju se uz plaćanje školarine.